

陳先生好，身軀佢位無爽快？

Tân--sian-sinn hó, sin-khu tó-uī bô sòng-khuài?

感覺有發燒，會畏寒。

Kám-kak ū huat-sio, ē uì-kuân.

燒幾工矣？

Sio kuí kang--ah?

對頂禮拜拜四開始到今仔日拜二，攞總六工矣。

Tuì tít lé-pài pài-sì khai-sí kàu kin-á-jit pài-jī, lóng-tsóng lāk kang--ah.

好。以後若是發燒超過兩工，就愛隨來檢查喔。

Hó. Í-āu ná-sī huat-sio tshiau-kuè n̄g kang, tō ài suī lâi kiám-tsa--ooh.

嚨喉敢有按怎（ àn-nuá ）？敢有感覺攞攞？

Nâ-âu kám ū àn-nuá? Kám ū kám-kak ngiau-ngiau?

有，有時仔會感覺嚨喉攞攞。

Ū, ū-sī-á ē kám-kak nâ-âu ngiau-ngiau.

頭殼--le？

Thâu-khak--le?

敢有嗽？當時會嗽？

Kám ū sàu ? Tang-sī ē sàu?

半暝較會嗽。

Puànn-mê khah ē sàu.

痰是啥物色的？

Thâm sī siánn-mih sik--ê?

痰是青色有膿。毋過有當時仔內底有血。

Thâm sī tshenn-sik ū lāng. M̄-kò ū-tang-sî-á lâi-té ū hueh.

請佇外口小等一下，等咧若喝著你的名才閣入來。

Tshiánn tī guā-kháu sió-tán--tsit-ē, tán--leh nā huah-tiòh lí ê miâ tsiah-koh jíp--lâi.

先生你好，會用得入來看報告矣。

Sian-sinn lí hó, ē-īng-eh jíp-lâi khuànn pò-kò--ah.

照檢查結果來看是無著流感，就是較嚴重的感冒爾爾。免煩惱。

Tsiàu kiám-tsa kiát-kó lâi khuànn sī bô tiòh liū-kám, tiō sī khah giâm-tiōng ê kám-mōo niā-niā. Bián huân-ló.

因為這擺發燒較重，我會開這粒粉紅的予你（lí#）。這是抗生素，一工食一粒，一定愛照起工食喔。

In-ūi tsit pái huat-sio khah tâng, guá ē khui tsit liáp hún-âng--ê hōo lí#. Tse sī khòng-sing-sòo, tsit kang tsiáh tsit liáp, it-tīng ài tsiàu-khí-kang tsiáh--oo.

我嘛會閣開另外一種的退燒藥仔予你，彼若是粉紅的食了過一點鐘猶是（iá sī）無效，你就閣食一粒這退燒藥仔。

Guá mā ē koh khui līng-guā tsit tsíng ê thè-sio-iòh-á hōo--lí, he ná-sī hún-âng--ê tsiáh-liáu kuè tsit tiám-tsing iá sī bô-hāu, lí tō koh tsiáh tsit liáp tse thè-sio-iòh-á.

好，按呢就無代誌啦乎。

Hó, án-ne tō bô tãi-tsi--lah--honnh.

請佇外口等藥單佮健保卡。

Tshiánn tī guā-kháu tán iòh-tuann kah kiān-pó-khah.

你挈這張藥單佮健保卡，對彼片的樓梯行起去（--khì-lì），到五樓領藥。

Lí khéh tsit tiunn iòh-tuann kah kiān-pó-khah, tuì hit-pîng ê lâu-thui kiānn--khì-lì, kàu gōo lâu niá iòh.

阿瑞感冒矣，拜託你，替伊請假。

A-suī kám-mōo--ah, pài-thok--lí, thè i tshíng-ká.

曾的感冒矣，拜託你替伊請假。

Tsan--ê kám-mōo--ah, pài-thok lí thè i tshíng-ká.

阿莊感冒矣，拜託，你替伊請假。

A-tsng kám-mōo--ah, pài-thok, lí thè i tshíng-ká.

真失禮，我感冒矣，直直流鼻，人規工攏無啥（sánn）爽快，敢若閣發燒。

Tsin sit-lé, guá kám-mōo--ah, tít-tít lâu-phīnn, lāng kui kang lóng bô sánn sòng-khuài, kán-ná koh huat-sio.